

昭平縣誌
卷七




昭平縣地圖



河流	山脈	縣界	墟市	團分局	縣治	圖例


縣治平圖

民居 大街 小路 城基 塘



財字區圖

足字區



恒字區圖



關字區

平字區

足

字

區


財字區

界


梧

縣

圖區字足



平字區圖



昭平縣志卷七

風土部

百里不同風千里不同俗昭平風俗土客雜居積習互異就近今攷察之較前數百年其文野通塞已不可以道里計將來教育普及文化蒸蒸日上移風易俗指顧可期至氣候之差灾祥之見均於風土有關因得連類及之編者識

風俗

昭平僻居偏隅獠獠雜處地當衝要土客叢集在昔風氣攸殊自畏服政教以來民德日歸於厚士習亦日進於淳駸駸乎道一風同矣縣城居民鮮少商賈集於城外半屬粵楚之人每多蒙業昭平里民安田畝士近宮牆科目則舊稱三寨之周縣城之王玉坡昭平縣志 卷七 風土部 風俗 壹 廣州市西關洪壽直街大明承印之廖嗣後各姓相繼踵起代不乏人新學肇興風氣爲之一變趨時之士率皆從事於學校以吸受新式文明而好古者仍多墨守一經不忘舊學以是知聖教之入人深也至於禮教冠禮則迓戚屬中多子而壽並富且貴者加之冠婚禮邑俗相契自幼結親不論門第先媒妁次問名以檳榔茶葉爲禮次納采迎親奠雁遵家禮喪禮士紳家行文公家禮惟裂白非古耳鄉民則多事齋醮祭禮士紳中有祠堂者二仲合祀於其中無者祭於正寢墓祭舉於清明今自馬峽以上改稱爲預字區馬峽以下及馬江里外稱爲備字區恩來里昔爲獠藪明末經勦平後民多來自粵東俗尙簡樸勤於職業前此風氣未開多種植桐油松杉以資利用清康雍後則人知向學士習詩書文風日啓科名仕宦振興一時各成世

族矣今改稱爲足字區其禮教大率與馬江里同馬江里山水清
秀風氣淳樸居民多前明土著如陳梁黎莫鍾林程廖黃龔諸姓
氏族蕃衍俗尙勤儉有唐魏風明萬曆間邱姓始由粵東翁源遷
居馬江清初有纘祖中雍正鄉科明通榜進士厥後中武舉者接
踵而起一時稱極盛焉吳氏先人亦明末由廣東翁源遷居北陀
清乾隆時再遷馬江沙子先後登賢書膺拔萃選者十餘輩而登
仕版者亦代有其人今雖迭遭世變地方稍形衰落而有識者猶
力以主持風教爲本斯文未喪後起其有人乎婚禮論婚雖由媒
妁然多由兩家親串及戚友世好預爲通知而後女家將庚帖憑
媒送於男家如以合成則以檳榔茶葉釵釧爲定至男女長成行
結婚之時男家先行請期禮備聘金四五十元不等另有釧釧各

種儀物以佐之親迎之禮已不復行婚日遣价偕媒傳帖通命隨
備豬羊酒擔各種禮物並備鼓樂儀仗彩輿迎接新婦戚族鄉隣
咸來慶賀相與張樂置酒爲歡甚盛事也婚姻不論財古風猶有
存焉喪禮凡士紳家多遵家禮間有循俗建齋者然必稱家之有
無大都殯殮之後延僧道追薦有於虞期內擇吉安葬者亦有因
籌費擇吉而遲至一年半載始行安葬者逢七期皆行虞祭禮七
七期滿則止至殯葬之日親友赴吊各以牲醴致奠並親行執紼
送山葬畢由親屬奉主還家供奉另擇吉升諸家廟祖祠歲時奉
祀以盡報本之忱清明時凡士庶豐俗之家抽有嘗產者每携家
上塚宰牲致祭以重血食其次亦必備香紙牲儀登墳祭掃以盡
禮焉至春秋二仲及冬至節凡在家族建有專祠者各皆以豬羊

牲醴致祭並於祠廟合享飲福此外元旦賀歲元宵慶燈社日祭賽清明上塚端午門懸蒲艾飲雄黃酒中元建醮中秋賞月重九登高冬至祭祖除夕祭灶舊俗相沿至今猶次第行之至親朋交接隣里往來歲時互相餽贈或酒宴叙會各盡情禮其亦猶行古之道歟馬江里今改爲恒字區

招賢里今屬關平兩區在縣城西百三十里界連賀之公會墟里中山嶺多而田地少厥土惟種五穀及雜糧均合土宜山林草木樵採便易士農工商各安其業苟克食勤卽能致富近日學校頻興人文蔚起其漸摩固有由也惟是土客雜居性情氣質語言禮教習俗各異土人祀佛祈福喜設道場時遵夏曆新年每舞獅龍以驅除癘疫上元則慶燈色以點綴太平二月二爲社日具牲設

昭平縣志

卷七

風土部 風俗

叁

廣州市西關洪壽直街大明承印

醴祀祖及外神名曰開春節節後各家男婦開工耕種清明則插柳於門以記年華率家人祭墓登墳拜掃掛紙錢祭畢設席飲福而還五月五日不懸蒲艾只飲雄黃酒噴洒屋隅以避蛇虫之毒六月六日名天貺節備牲祀祖以慶豐年七月七日至十一日各迎祖考每日三祀或葷或素或粽以致敬十四日大設牲醴以祭并焚燒紙衣鞋帽之屬十五日送祖考八月中秋各以月餅糖果相餉十五夜賞月雅者賦詩酌酒俗者結伴盜青十月二日十日俗曰冬藏節收成完畢家各備物致祀以報賽天地山川社稷神祇冬至日無與焉臘月二十四晚祀灶以送灶神除夕帖門神匾聯備牲具醴奉祀祖先以及外神元旦彼此燃炮賀年冠禮於婚娶之日天未曉時對祖考行樵婚禮自幼結親先媒妁次問名以

檳榔茶葉爲定欲娶之年訂媒妁具酒肉催親親家喜領隨即請期婚日天未曉時對祖考行樵婚禮備鼓樂儀仗用花轎迎親新人既歸先謁祖隨入厨出汲喪禮用道士殯殮專事齋醮靈前不立神主祭禮忌辰及各節祭於家清明祭於墓而客人則不然所奉祀者三山國王及得道之仙娘佛子牛王等神雖同遵夏曆元旦賀年而新年則迎神賽會出遊鼓聲震地炮响連天日夜遊行至十五日始送各神回宮所有二月二日社日六月六日七月七日九月九日十月十日均寂無所事惟清明祀祖祭墳掛紙叙飲而已五月五日家懸蒲艾亦具物祀祖七月十四日十分之六祀祖惟不燒紙衣等物中秋與土人同冬至祀祖維時農歲告成家入婦子置酒言歡臘月二十三晚祀送灶神除夕祀祖祭神門換

桃符家燃爆竹大率從同婚禮大同小異婚期雖未親迎而新婦到門新郎必簪花掛綵手握雅箏三叩花轎用足踢啓轎門隨步升堂夫婦雙拜成禮喪則設立神主敬祀亦事齋醮祭則於祠堂合族致祭土客之俗向爲撮其大畧如此招賢寧化文化三里宋時均爲獐蠻所據經一再平勦而後戰場頓成樂土而畝盡耕耘家多絃誦文登賢書者有焉武登甲榜者有焉後人觀感奮興英才輩出文教且蒸蒸日上其所以挽頽風而維俗向者固匪伊朝夕矣文寧二里今統稱爲關字區王姜里自明天啓二年陳立半里民少獐多男耕而食女織而衣無殊俗也迨黃世祿黃鍾遊庠序後文風漸啓相繼釋褐歲薦有人鄉薦有人仕宦有人地以人靈時因事起知非偶然今合馬江里下截稱財字區仙廻里猺藪

也舊爲古眉地四面高山巖業民多醇質粗衣淡食以事耕耨漸而化之亦正不乏禮教衣冠之族民國肇興文明大啓學校之立較之他區爲尤盛亦足以覘風氣矣今改稱太字區其上五二五兩都明末原隸昭平民國改元及見龍里之大半均已割隸鍾山不再贅

潘文成曰昭平語言有土音與正音相戾者彷彿聽久則能言之然一邑之中亦有大同小異若類聚然近蒼梧藤縣者其音柔而平聲多用齒舌近賀縣富川者其音和而暢聲多用齒喉近永安平樂者其音低而醇聲多用唇齒附城及各冲者其音和而直聲多用齒舌是盖山川異氣爲之也然亦有世類相承來自遠方者如黃姚英家之村落多習粵左之陽山其音高而麗聲多用齒舌

昭平縣志

卷七

風土部 風俗

伍

廣州市西關洪壽直街大明承印

馬江恩來之北陀九冲多習粵左之翁源其音緩而矯聲多用舌唇附城黃姚之市井多習粵左之鶴山南海其音易而清聲多用齒舌此又方言所漸被者要之移風易俗以致一道同風之化者其端不在此喉舌

林作楫曰寧化里民獠雜處獠爲土著餘皆來自粵東俗多機智習爭鬪然竟有老死不見官吏者故足風焉竊盜夥而不畏法所居室雖完內必編竹木籬之稍疏則盜乘之矣士讀書能文章冠則迓戚屬中宜子而壽并富且貴者加之冠婚則不奠雁鼓樂相迎奩物尾新婦歸矣母家之送亦鼓樂如之婦歸則進履於舅姑以下戚屬名曰賀裔稍疎逖則手帕檳榔耳答之者則釵若釧隨其所有至于女生子則女家送手釧背約背約者方言曰襍帶也

然後女携外孫登母門曰送戇越百日外婆仍遺以裙一袋一揆厥意義盖取其將來相繼生育成羣大隊裙與羣同袋與隊俗音同也祭祀無一定之品清明祭墓外二月二日三月三日則宰牲具醴併炊飯爲糍以祭廟祭畢切其肉而鬻分之醉飲而歸而六月六日十月十六日亦如之若乃送死爭崇乎佛事宅兆羣向乎堪輿雖詩書家不免而醮事之重比之別里爲更多除夕埠間則於臘月念四夜祭灶是爲小年村落但於除夕夜拜祭團年而已元旦慶賀往來元夜張燈放炮以至端午食角黍飲蒲酒及中秋賞月不異中州而冬至則無論士民皆寂寂與吳俗之肥冬瘦年迥別

昭平縣志

卷七

風土部

風俗

氣候

陸

廣州市西關洪壽直街大明承印

氣候

季別

室內至高
華氏度數

室內至低
華氏度數

春

七二

四八

夏

九五

七十

秋

九四

六八

冬

六五

三六

週年平均大約六十至七十度左右

歲占

立春微雨兆豐年諺曰乾冬濕年禾黍滿田又曰春寒春雨春雨春寒朔日雨主是月多雨每月交二十五日雨主次月有雨曰隔月雨春霧晴秋霧雨冬霧不寒夏霧不暑正月人日爲穀日晴爲祥雨爲災三月十六爲黃姑浸種日西南風主大雨三月二十三日爲天后誕日前後必有風雨四月二十俗曰小分龍五月二十俗曰大分龍皆宜雨不雨則歲歉五月有三卯占有年六月十二日俗謂彭祖忌必有大風雨舟行忌之霜降有風則穎不實諺曰禾忌霜降風寒露日不宜雨諺曰不怕霜降風只怕寒露雨鵲巢占風巢高風大巢低風小冬有紅霞北風卽起謂之攪霜風

昭平縣志

卷七

風土部

歲占

祥異

柒

廣州市西關洪壽直街大明承印

祥異

明萬曆四年慧星見西方長亘天直射月宮其光燭天數日不滅
明年復見大征府江

萬曆八年慧星見西方

萬曆十三年秋大旱

萬曆二十二年夏明源江蛟起化爲龍

萬曆二十五年丁酉雷發櫺星是科邑中始發科榜

萬曆三十二年夏大水冲壞居民房屋

萬曆四十二年乙卯春大雨雹

萬曆四十六年大旱人民餓死甚衆八月夜有白氣自東亘西數夕後有巨星長丈餘每夜見於東方空中懸有白氣形如關刀

蛇鎗長茅又如白布出辰分角亢度衝指奎婁壁度自北而至
十月始滅

天啓元年五月大水

天啓四年大旱

天啓六年饑

崇禎六年秋七月大水

崇禎八年五月十二日地震河水如雷吼

崇禎十二年五月初八日地震有聲

崇禎十四年五月大水

崇禎十七年太白經天

清順治三年大旱自二月至八月始雨

昭平縣志

卷七

風土部

祥異

捌

廣州市西關洪壽直街大明承印

順治四年大水

順治五年春東南有星亂隕夏五月大水歲大飢

順治七年大旱次年斗米千錢歲大飢

順治十四年三月十二日颶風大作飛石拔樹木

順治十八年六月大水

康熙七年春正月城西北角有白氣一道下垂經日不散

康熙十三年庚午九月夜天鼓鳴自西而南時邑逆賊孫延齡竊

据

康熙十九年冬每夜戌時有星見西方光芒如疋練其尾直指東

角北月餘始沒時平郡已恢復矣

康熙二十一年七月大水

康熙二十二年六月大水

康熙二十八年夏大水歲飢

康熙二十九年大有年冬十一月大雨雪平地積寸許

康熙三十年春旱正月灘江水大溢平地水深丈餘經旬始退

康熙三十五年秋大旱歲飢

康熙四十年夏大水

康熙五十年除夕大震雷電驟雨達旦

康熙五十一年壬辰八月大風拔木一晝夜始息晚禾傷

康熙五十二年大饑

康熙五十四年十月天鼓鳴自西而東

康熙六十年旱民飢

昭平縣志

卷七

風土部 祥異

玖

廣州市西關洪壽直街大明承印

雍正六年十二月大雨雪

雍正八年秋嘉禾生

雍正十年夏四月大水六月初四日午時見日麗中天輝如華盖

五色環匝光明勝常初十日午時復見形色如前爲時較初四

日更久

乾隆五年正月十三日大雪如鵝毛

乾隆八年癸亥四月黃姚大水

乾隆十一年丙寅夏五月昭平市大水

乾隆十二年冬有星見於西方光芒數十丈其形如帚

乾隆十三年地震

乾隆十六年六月三里大旱祈禱不應早稻失收

乾隆二十三年三月大風雷雨三里大木皆偃房屋壞者無數
乾隆二十四年九月初五日地震如雷十二月初八日雷大鳴大
雨如注十七日大雨雪積二寸十八日立春之刻大晴 以上舊志
嘉慶十二年丁卯四月初八日大水損失頗巨

道光三十年庚戌夏大水冬桃李開是年洪秀全攻永安號天覺
王旋改太平王頭裹紅巾人稱紅頭賊清兵萬有餘自大河來
路經禮儀冲石人島富裕冲以救永安兵到城已陷秀全軍亦
萬餘自是由永安走仙廻被清軍鄔將追擊在永昭交界之平
冲次晨烟霧朦朧秀全反攻在黃茅山殺清軍數百始敗退回
永隨走荔浦而平樂而興安而桂林而湘鄂蹂躪十七省

道光三十年十月昭平葉天娘聚衆千餘劫掠昭平賀縣各村堡

昭平縣志

卷七

風土部 祥異 附兵燹

拾

廣州市西關洪壽直街大明承印

踞沙子天門嶺以抗官軍旋入富川馬峯麥嶺同知英秀參將
成保勦之天娘走沙子馬江爲鄉勇所擒 省志

咸豐元年辛亥土匪葉天娘雷阿書倡亂於富川爲麥嶺同知英
秀參將成保所敗回竄昭平騷擾鄉隣沙子地方白統帶良棟
胡典史承宗奉憲檄由北陀進勦縣邑侯招敬常會同團紳邱
秉志吳裕徽由馬江前來會辦白胡兩軍先到沙子該匪踞天
門嶺進逼白胡兩公整師奮勇迎擊匪據險焚山夾攻官兵陣
亡十餘人遂退沙子收米坪白公手持鐵鑄誓死抵拒胡公從
間道回援堅持連日卒以力竭援絕遇害事後議卹白公良棟
加贈知州銜胡公承宗加贈鹽知事銜地方士民爲殉難諸公
在沙子特建忠義祠以留紀念此外富賀里松汛黃俊英及幕

友康黎兩君皆同時殉難者并附祀焉

咸豐三年癸丑備區禮儀古袍等處迭被藤匪搶劫焚燒煽惑愚民拜會者甚衆省垣大憲委恭城武舉萬明魁帶兵會同總團鄒春逾勦捕先到古店口辦拜會匪首駱九榮得名簿一本入會三千餘人拏辦不少會匪稍戢

咸豐三年癸丑七月大水浸至縣城昇平街劉氏巷口

劉氏今作牛屎

咸豐三年五月匪首曾起有昭平馬江人移居蒼梧嶺脚街與昭平大任里土匪黃有明黃有昌同劫大任里官兵擊之駕船駛入梧河衆二千餘人旗稱洪順堂團長覃讚彥毀其船擒起有並頭目黃秀禧陳亞晚區亞左陳凝邦廖芳村全股撲滅

省志

咸豐四年甲寅藤匪復猖獗冬月更甚備區騷擾家無可住昭平

昭平縣志

卷七

風土部

祥異

附兵燹

壹壹

廣州市西關洪壽直街大明承印

縣沈主亦同避亂於欖水鹿峒各處

咸豐四年甲寅荔浦賊擾仙廻羅老母黃桂林等賊又至逼勒服從是年四月流寇莫昌文陷昭城各鄉土匪乘機響應惟備區之五將預區勤江等處不降

咸豐四年桂平玉國慎韋宗斌附土匪黃宣金劫昭平西坪旋充梁玉田先鋒附陳超瑞十一月竄桂平五年與宗斌同入鯉魚仔股內龔全興平南大同水人初充陳東江五大館總領隨至永安繼攻平樂東江五敗走全興附黃桂林掠昭平合於羅得全黃九昭平人充羅得全引路都使五年冬六年春先後回永安招黨四月皆爲團練捕獲

省志

咸豐四年匪首謝振安在鳳門坳起旗五年竄擾平南昭平幾遍

六年春竄永安四月僞先鋒李同桂黃茂盛被擒振安全股竄

去省志

咸豐四年五月永安州莫村黃桂林在永安昭平境內劫掠八月糾何東莞晚陳東江五蒜頭四入永安水竇時值羅得全到昭平合股稱統領兵馬大元帥永安州羅福杲擊散六年三月桂林在孟村被擒

省志

咸豐四年七月西寧縣謝四在永安拜臺與黃鳳華黃鳳見亦稱洪順堂八月竄昭平與黃亞連同踞恩來北陀先是五秋涼村陳亞三在山皮寨拜臺至是充黃鳳見先鋒旋被擒

省志

咸豐中昭平土匪古今四附張羔友後踞涇田爲巢同治二年春署昭平縣熊壽山都司蕭楚斌勦之署梧州府盧定勳率縣丞

昭平縣志

卷七

風土部

祥異

附兵燹

壹式

廣州市西關洪壽直街大明承印

陳延齡守備李開學帶練夾攻五月圍涇田古今四僞投誠延齡受之解散其黨殺今四與古傅揚盡毀其巢附近涇田之大洞新地大案皆土匪淵藪六月開學盡勦平之

省志

咸豐五年正月永安州人蘇元莊潛入昭平馬江河口與李日揚入張羔友股內突至陽朔龍頭潭高田墟轉入蓮塘又竄栗木擾及馬鬃嶺分股一竄古排代理修仁知縣章國棟吏目馬沅失利元莊遂踞古袍白沙筋勾木格土匪古今四北陀土匪曾十永安西鄉土匪黃美中踞營潘古墨兩村旋附張羔友同踞蓮塘

省志

咸豐五年昭平人陸廣遠初爲陸祖忠頭目祖忠被殺逃入永安合於陳長太踞六廟村潛匿眉江里六年四月被擒

省志

咸豐五年乙卯春初盧攸章鄒春逾并各團總督率練丁在馬江墟築炮台禦賊請古連團扶助正月二十六日賊自木格上至白梅口由扶竹灘涉河擁過大打一仗殺賊數十涉河溺斃亦數十乘勝追至上運嶺起回先被捉劉定保一人隨到扶利嶺又打勝仗於是送沈縣主回衙旋招撫富裕冲黃三泰等咸豐七年戊午春大水賊又起梧州平樂先後失城遊匪陳金剛陷古連寨出馬江在梘貝立大館破馬營迨陳瑞芝復梧州蔣益澧復平樂撫河上下始平靖

咸豐七年匪首張羔友陷昭城攻破鰕魚寨十一月楊西安大敗於平樂其黨馬鈴哥由古走過北陀十一年復回平樂十二年始平

昭平縣志

卷七

風土部

祥異

附兵燹

壹叁

廣州市西關洪壽直街大明承印

咸豐七年丁巳秋大旱是年五月張羔友寇仙迴陷昭城焚殺劫掠拉人勒贖不下數百連年繼至

咸豐九年己未九月禮儀古袍團與藤匪古今四在古池嶺開仗陣亡練丁六人周成榮盧阿七餘闕名古今四在禮儀冲尾湓田築巢穴出攬水立稅稱大元帥

咸豐十年庚申九月初九古今四糾集蓮塘張羔友大岸許多良等匪數千搶劫古袍口各村屯紮月餘松柏扶陸龍山勒勾四營相繼被陷總團鄒春逾管帶全區團練剿捕久持不下盧攸章詣縣請兵將己田典當在昭平街揭銀三百兩招得連灘各處精兵一百名先支餉隨起行則速到禮儀立懸重賞次日午後卽克復龍山營次夜盧萬乘率練丁數十名三更又復勒勾

營住紮古袍口之匪始星夜逃下木格口

咸豐十年庚申陳金剛由賀縣率衆來昭假途古連不允併力圍困旋因議和開門納降致合寨四百餘人被殺殆盡由是而陳之黨羽遍佈馬江單眼梁駐紮葛莪同德堡何都尉駐馬江墟收釐稅及聞蔣方伯益澧大兵抵平樂星夜逃遁馬江一帶肅清

咸豐十一年辛酉鄒春逾起全區團練自富裕至禮儀約千餘水陸并進圍捕住紮木格之匪禮儀古袍兩旗由夫約嶺進涼風以上各旂由夫約河邊進並戰艇由河而下適開仗時大雨炮火盡濕以致失敗陣亡五將等處練丁八九名春逾幾乎不免同治元年壬戌二月十一日古今四賊數百焚劫禮儀冲花羅村

昭平縣志

卷七

風土部

祥異

附兵燹

壹肆

廣州市西關洪壽直街大明承印

盧萬乘督率練丁殺斃數十生得一名解縣二十一早該賊伏近禮儀營欲俟門竄入幸營內知覺戒嚴遂直冲出遇盧公能父子二人被殺萬乘集練丁追趕至陸峒上運嶺又被槍斃練丁盧運昌盧阿漢二名古今四復糾蓮塘大岸等匪三千之多三月初三來偷禮儀營無機可乘遂在近營之村屋屯住連攻營六七晝夜三次抬長梯來被射殺數十二日下午掇援團陸續到匪乃星夜逃下木格口劫兵營傷營官蔣常治有親兵數名與營官同走餘兵數百皆反奸爲匪

同治二年癸亥春熊縣主蒞任盧攸章上稟請兵勦捕熊官會同藤縣陳官合勦熊官五月來至斑坡駐紮攸章萬乘隨營助勦先行招撫漆村各處俱來投誠古今四賊數百堅持不下六月

中甸始肯到營投降連黨羽二十八名熊官交陳官隨營鉗制去征大岸許多良熊官回署稟上憲請大委監殺大委到營立將二十八匪正法大岸征未下陳官與營官被毒死

同治三年甲子黃中車一使多良先鋒朱玉成等轉殺多良等數十自是平靖

同治三年甲子旱

光緒二年丙子大風吹壞屋宇無算樹木亦多拔起

光緒四年戊寅四月大水

光緒五年己卯二月初六夜雹大如斗

光緒五年己卯五月三十日馬江水暴漲數丈沿河一帶房屋田地概遭淹沒低者盡歸烏有如車坡等村之房屋爲前明所築昭平縣志

悉被衝塌潦水之大實數百年所僅見者幸在日間村人猶能趨避尤可異者河潦初發之前有異種魚類長尺許似鰕鱔沿河遊泳里人皆謂爲地方出蛟故有此怪象其或然歟

昭平縣志

卷七

風土部

祥異

附兵燹

壹伍

廣州市西關洪壽直街大明承印

光緒七年辛巳彗星在南

光緒八年壬午七八月大旱晚稻無收

光緒九年癸未旱

光緒十一年乙酉夏五月連日雨初六日黎明各處山崩潦水蒼茫田宅淹塌古袍冲更甚有人被屋壅死者省委員與馬邑侯同抵各鄉賑恤水患是年歉收

光緒十二年丙戌飢荒

光緒十三年丁亥四月二十九日大水

光緒十五年己丑四月三十日水漲非常之大冲塌田宅極多漂
沒人畜不少誠百年來僅見黃姚馬江尤甚查馬江車田鎮源
寺碑誌嘉慶年間曾經一次大水率與此年相等

光緒十六年庚寅秋大旱

光緒十八年壬辰三月大雨雹九月地震

光緒二十一年乙未九月雨雪晚稻無收

光緒二十八年壬寅啓明不見春大旱夏方雨三月中旬有暈色
如烟霧是年聯軍入北京光緒皇帝與慈禧太后同幸陝西

光緒二十九年癸卯十一月大雪

光緒三十年甲辰二月初九日賊首黃十九豎旂蜂擁猝至仙廻
焚劫村寨團紳羅瑞雲等赴縣請兵楊宰肇榮親率軍隊協同

昭平縣志

卷七

風土部

祥異

附兵燹

壹陸

廣州市西關洪壽直街大明承印

羅紳督練進勦斬首級十餘匪始逃散

光緒三十一年乙巳大風拔木

光緒三十三年丁未五月十九日灘江大水淹沒民居損失極重

光緒三十四年戊申五月十八日大水浸至縣城昇平街節孝祠

街級底

宣統元年己酉十二月大雪

宣統二年庚戌除日午後大雨雷鳴夜分乃止

宣統三年辛亥春大雨雹除夕大雨雹

民國元年壬子初變政四方搖動土匪會匪乘機肆擾邑中鼎沸
楊寶錕苦於牽掣託故脫逃幸政府陸督軍榮廷委黃營長自
新速來辦善後十分明決亂氛爲之稍戢民始得以偷安

民國二年癸丑夏米大貴每觔價銀一角無糴處各富戶捐金往梧州販取運回接濟民食

民國三年甲寅五月二十二日大水督軍陸榮廷發款賑濟
民國四年乙卯五月二十六日大水

民國五年丙辰三月大水黃姚寶珠觀門前重約千觔之石獅推翻田宅冲壞不可勝數

民國七年戊午正月初三日地震約十五分鐘十月毒霧半月不散十一月痧症流行死者甚多

民國十年辛酉粵軍入桂劉振寰據縣城縣署及地方公槍均被繳去匪首楊裕新卽楊麻子黎其輔卽黎痲瘋蕭江南卽蕭六卜金揚等乘機糾合土匪數百嘯聚於思勤河之黃洞肆出劫

昭平縣志

卷七

風土部

祥異

附兵燹

壹柒

廣州市西關洪壽直街大明承印

掠屠毒人民黃洞中骸骨枕藉慘不可言至今猶聞鬼哭云

民國十一年壬戌匪首鍾明階率匪千餘攻縣城爲粵軍營長梁若谷擊敗未幾沈鴻英回桂林按沈鴻英本柳州巨盜清末經官府懸萬金重賞購拏未獲民初歸劉古香招撫下山旋又叛劉歸陸榮廷官至鎮守使民十復叛陸被粵擊敗逃湘粵軍退後沈又回桂撫河一帶從此多事矣

民國十二年癸亥粵軍退去四匪首楊蕭黎卜下山據縣城自稱獨立旅長公然擄掠較前尤甚人民切齒嗣楊麻子黎痲瘋卜金揚三匪首次第就戮惟蕭江南漏網是年九月二十一日沈部團長何海鳴擄掠馬江墟損失萬元以上

民國十三年甲子元旦日蝕正子時雷鳴大雨八月十五夜月蝕

既 是 年 十 月 初 三 沈 部 砲 兵 統 領 沈 秀 廷 砲 攻 砂 子 金 鰲 堡 繳
其 槍 械 勒 款 四 萬 元 十 月 十 八 日 又 勒 索 富 羅 大 果 堡 銀 一 萬
五 千 元 其 餘 勒 索 不 遂 十 月 二 十 日 焚 擄 礮 頭 三 合 口 房 屋 及
堡 十 月 二 十 三 日 焚 擄 葛 莪 房 屋 及 同 德 堡 十 月 初 十 日 沈 部
撫 河 護 商 司 令 葉 青 錢 焚 上 馬 江 村 頭 村 二 十 餘 家 殘 殺 團 民
九 命 十 月 二 十 九 日 又 焚 擄 五 指 堡 及 湯 水 各 村 房 屋 十 一 月
葉 青 錢 向 外 馬 江 里 財 區 索 款 不 遂 遂 於 二 十 八 日 焚 東 西 鹿
峒 筋 勾 底 冲 熊 步 大 塘 盤 古 塘 面 水 寨 等 村 房 屋 損 失 在 數 萬
元 以 上 十 二 月 李 宗 仁 興 師 致 討 擊 退 沈 鴻 英 軍 各 土 匪 逐 次
授 首 而 四 境 迭 遭 禍 亂 元 氣 大 傷 迄 今 尚 未 恢 復

民 國 十 四 年 乙 丑 春 寒 甚 禾 秧 復 播 種 青 黃 不 接 米 大 貴 每 觔 價

昭 平 縣 志

卷 七

風 土 部 祥 異 附 兵 燹

壹 捌

廣 州 市 西 關 洪 壽 直 街 大 明 承 印

銀 一 角 五 分 各 村 市 不 等 甚 至 二 角 者

民 國 十 六 年 丁 卯 三 月 初 十 夜 半 大 起 颶 風 大 木 爲 拔 電 局 傳 云
此 風 先 一 日 由 湖 南 吹 來 上 午 十 一 時 到 桂 林 三 時 到 平 樂 夜
半 到 昭 平 次 日 到 梧 州

訪 冊

昭平縣志卷七

夷民部

昭平獠獞雜處在明末清初時代獠人梗化獞人爭田數十年紛擾不休現已革面洗心相安無事矣茲將陸志所載獠獞屬於夷民部用資參攷之材料而覘社會之進化焉編者識

獠獞

縣東北有南峒獠西北有古皂獠嶺阻獠立龍獠而西南有花州獠皆以山寨命名耕山採樵爲業地多險隘各置獠丁守之諸鄉則民獠雜處恩來里北陀四十里一峰陡立左九冲右鹽山至峽口而會於江四圍如列劍戟原爲獠藪其諺曰寧食粥稀不見官司亦可想其淳樸也

省志

昭平縣志

卷七

夷民部 獠獞

壹玖

廣州市西關洪壽直街大明承印

昭平縣民獠相錯前車足鑑昭雖蕞爾不可謂非巖邑矣招賢里卽元時狗兒巢賊藪也文化里以樊相國故里獠獞屠樊數十里之地盡爲蠻醜所踞寧化里向盡獠蠻恩來里亦爲獠藪上五都六七兩排係土著民籍見龍里民三獠七王羗里民少獠多至縣西仙廻里乃獠獞雜居向分十三哨地方遼濶至仙廻而進俱高山峻嶺盡屬獠人以種山爲業不輕出城市者也

府志

蕭聲舉曰本邑無根苗惟有獠獞獠以種山爲業多姓盤祖盤古三載一醮會祀盤古神三載內所畜犬豕盡於是會宰殺大招族類設道場稱勝會焉其婦人首頂一板如半月形前後懸五色雜珠以爲飾衣服則用五色絨繡其衣裙襟領其男子亦長髮裹以絨繡花帕束以紅帶衣服華采一如其婦人每歲於迎春日赴縣

堂及各衙門嘯山歌語句雖不知其云何而音韻頗悠揚動聽賞以紅絨鹽烟等物其匹耦不拘同姓禮甚簡陋聘金止交一半至養子後始交足至於喪禮則用火化其人循良者固多兇頑者亦不少獠人舊俗與獠相去不遠 國初韋公感作叛曾奉勦平伏招撫流亡故獠人名爲撫民今沐教化日久漸革舊習有讀書遊泮而中武舉者

潘文成曰文化里離城二百廿五里前屬獠獠王化不及至萬曆六年始征平伏一里分爲十排丈田定賦招佃耕輸一二三四五十排係鄰省遷居之民開戶立籍六七八九排係平伏招撫之獠人開戶立籍文化一里而有六民四獠之說其此之謂也乎

林作楫曰寧化里民獠雜處民居其二獠居其一焉固無獠人與
昭平縣志 卷七 夷民部 獠獠 式拾 廣州市西關洪壽直街大明承印

苗人狼人也獠之多者惟寧化里西以及東西二坪而恩來里九冲則獠獠雜處考其出跡史載槃瓠事已屬不經而族類之分則有於三月三日具牲醴供烏米飯延請師巫紅袍執笏以祭神於廟者名大獠而四月八日舉者則爲小獠云大抵寧里以西獠與民犬牙交錯無長裙短衣披髮文身之陋其俗較民爲醇古或與民通婚姻間有桀而黠者然而僅矣 國朝以來文教覃敷獠人亦有遣子就學補弟子員者其婚嫁不論財物多寡但與男家訂豕肉若干不如約不允也每于迎親前一日男家擔酒肉往女家則遍飲諸戚屬嫁之日媒婆前導新婦執彩旒傘遮其頭面步行而歸親戚接踵送之婦至男家少頃則入主中饋挽鹿車而前矣俗信師巫星家言其子命帶魁罡則爲之建樓約高三四丈延師

巫敲銅鼓鼕鼕然黃金四目揚干舞盾擁送其子登樓從樓上跌下曰跌樓卽道家所謂度籙釋家所謂剃度此其大較也若九冲獐人與東西二坪不異所居室土壁茅簷甕牖而居然亦有架木成樓衡以木板覆以青茅上樓人下樓畜獸者呼之曰欄華言曰房也人至其家不問識否輒具酒肉相餉遺任大嚼劇飲無吝稍有微寒男女圍爐擁火其俗敦厚若夫見利而動此又顛愚之知識然乎轉移之機較之左右兩江獐人爲易

廖當毅曰獐獐語言習俗與民迥殊但知耕種不諳貿遷每遇社日男女聚歌游戲婚不論同姓迎娶不用肩輿習尙師巫婦多蓄蠱輕生易亂而土著無賴復竄入寄籍鼓煽規利近雖不敢爲非然幸承平無事耳否則鷹眼難化鴟音難易復隍衣**裯**非過計也

昭平縣志

卷七

夷民部 獐獐

式壹

廣州市西關洪壽直街大明承印

至其土語獐人則食曰喂飲曰咽飯曰啜衣服曰卜鍋曰寡鍋蓋曰空快子曰箸水缸曰八蕩魚曰壁拉肉曰糯米曰候菜曰迫勒起曰卑坐曰論眠睡曰寧被曰伴柴曰焚火曰燬鹽曰古油曰吻鴨曰鼻雞曰計鵝曰漢酒曰萎關門曰黑堵刀曰架動用器物曰家甌砧板曰鈹爾曰蒙我曰哥做工曰告康水曰品熱曰端凍曰狀棍曰肥碗曰袋碟曰別牛曰懷猪曰摩狗曰麻船曰盧田曰拿獐人則衣服曰壘飲曰吟飯曰寧鍋曰撐碗曰穩快子曰舊水缸曰甕水瓢曰札魚曰壁撈肉曰啞米曰美菜曰賴起曰鳴坐曰隨睡曰背牀曰丑桌子曰爵板柴曰藏火曰燻鹽曰早油曰羹雞曰戒酒曰丟關門曰關禁刀曰滅砧板曰腫禪天曰撒地曰代日曰捏月曰朥星曰生風曰龍雲曰渾雷曰呂雨曰度坦電曰菡霹靂

曰拍担祖曰竈孫曰參父曰波子曰勒夫曰步君妻曰妹夜兄曰皮濃弟曰代伯曰拍叔曰旭母曰牟嬭曰閃朋友曰彭耦屋曰蘭稻曰倒穀曰厚米曰厚殘棉曰**辟**荳曰倒稷曰側黍曰須芋曰吾水曰稅路曰澇橋曰姚渡曰豆溪曰希灘河曰訛頭曰投眼曰皆耳曰擬鼻曰勃舌曰善口靠手曰施足曰踏金曰乾銀曰岩銅曰桐鐵曰榻錫曰削鉛曰難吃飯曰齷餲酒曰棗飯曰泛魚曰粒蝦曰呵鰲曰筆犬曰誼豕曰支馬曰未紙曰志筆曰迫衣曰矮帽曰浼鞋曰噶鞮曰抹茶曰振硯曰念墨曰麥等土語然亦有訛錯未必皆然也

馮文顯曰獠獠雜處俗多陋樸婚禮不尙品物訂以酒肉車簣俱廢步行而前喪禮多崇師巫建醮爲務死未殮建醮曰介飯殮後昭平縣志

卷七 夷民部 獠獠

式式 廣州市西關洪壽直街大明承印

建醮曰落枕死七日建醮曰開路計死四十九日每計七日一建醮雖貧亦然至每年三時竭力耕作及冬則飲酒共樂彼往此來拜生日肉列大塊酒係生釀其飲必盡醉

柯壽愷夷情志曰夷有九種昭平則曰獠公曰獠婆向作不軌自府江洗甲之後幾無遺種縱有漏網素封之家招之開墾樂耕輪租已四十年矣一旦有廿四冲出戶之訟緣黃姜水村有獠人王朝章者先附吳天恩戶下納糧續告出戶自納不知王朝章原實有獠田者也乃獠奸韋公信等欲援爲例糾合羣蠻將所佃三排民田認爲己產陳告立戶辦糧不知萬曆廿六年大征之後已奉撫按履畝踏勘民田還民獠田還獠冊籍炳據而三排實係民田且有各獠人租契可查并建縣時黃冊昭然則獠人之占民田瞭然矣乃前任署知府不知何故斷應納錢糧民獠各納一年而更以凌轢等字加杖良民于是奸人得志告擾不休矣况訐訟一年則賺一年之租攘爲己有近聞獠奸訟謀民田投獻藩邸及假造昭平縣志

卷七

夷民部 獠獠

式叁

廣州市西關洪壽直街大明承印

石碑埋藏地下若今不撲滅假令通縣獠人效尤則昭無民田矣通省獠人效尤則粵無民田矣誰實質成而貽禍至於此極耶節畧

萬曆四十年獠占民田崇禎十年生員王承聘叩閭疏曰爲國有課而邑無田金有靈而民無命伏乞皇上急拯塗炭以定版圖事伏覩大明會典凡各處軍民奏訴冤枉曾經巡按上司斷結不明槩許奏辦臣係昭平縣昭平里三排民籍共四十戶祖遺載冊糧米三百石舊屬平縣萬曆四年割入昭平縣萬曆九年清丈冊籍昭然臣等因居附郭招獠耕種詎獠奸韋公信等鼓佃藍公在等捐租三載每畝科銀五錢包訟圖占計贓銀三千餘兩臣等於萬曆四十二年告該撫按批行對冊清查配其首惡計窮走險將前

田投獻靖藩蒙先王却不納惟時道府申詳撫按批允悉敍投獻不納之事以彰先王之節案卷見存崇禎五年蠹棍唐紹堯等復派佃銀三千餘兩連結疊誑具照前案審斷突遭署印知府撫夷同知王重綱聽儀賓子何東鳳過付銀二千兩大翻前案斷爲獐田陷臣等五載不得粒租而知縣照冊追糧可憐民之富者貧貧之壯者逃老弱者死矣又夥陳公法等疊派銀三千餘兩厚賄何東鳳銀壹千兩假稱投獻捏侵膳租賄串典儀潘學文不行啓明世子殿下肆行狐假斷爲膳田滅沒版籍四十戶且執臣與生員姚炳虞何朝鼎等淹禁半載致生員朝鼎斃獄百姓何士光等縲拖廠舍已經千日覆蒙按臣駁其招爲影響爲未確爲難服百姓之心爲不過敷衍王重綱之審語奈問官仍以原招進而靖藩

昭平縣志

卷七

夷民部 獐獐

式肆

廣州市西關洪壽直街大明承印

典儀潘學文捏劫殺之詞沿門嚇詐逐姓鎖拿雞犬不寧骨肉離散行移學道挾制有司臣里民士惟有哀聲而無生色矣泣思三百石國課久已徵諸邑里之間而數萬畝民田一旦飽於饕餮之腹方斷爲獐田旋斷爲膳田是非靡定前後矛盾撫按不能結有司不便查百姓不敢爭必致飲恨吞聲盡死於追比賠糧之杖下此等奇冤非盛世所宜有也臣幸脫一生丐食萬里與其死於羣奸之手含不雪之冤毋寧死于聖明之前救闔邑之命謹不避斧鉞冒死哀鳴伏乞皇上勅下戶部備查膳冊勅下該撫按備查縣冊或歸田膳冊豁三百石之賠糧或歸田縣冊定數百年之版籍庶蒼生有命國課有徵臣雖萬死有餘榮矣卽奉旨查實速奏而靖江王長子亨嘉亦具疏奏辨并誣奏知縣甘文奎受王承聘等賄

囑不收獐戶納糧並將藩府典儀潘學文從役侯八當場毆斃現停棺該縣等語亦奉旨查訊知縣甘文奎卽申辨曰夫自設昭縣以來六十三年之黃冊並無獐戶也卽自平樂立府以來二百七十餘年亦無獐戶也旣無獐戶安得收糧則是有縣以來原無收獐糧之官而敢自卑職一人始乎乃藩王疏稱受排民賄囑卑職不受也侯八者潘學文隨役也學文以崇禎九年十一月初四日至昭平催租卑職館之城隍廟侯八在舟中卽染痢疾臉色黃腫扶掖入廟坐臥牀板不能動履初七日學文猶請蔣和尚祈禳十三日病故學文自將銀八錢托古欽寰向梁悅泉買棺收殮復僱梁興等擡埋城西廓螞蝗塘之側夫典儀雖微官藩使也侯八雖下役藩使隨役也以藩使隨役一旦而爲排民毆斃不知宜如何

昭平縣志

卷七

夷民部 獐獐

式伍

廣州市西關洪壽直街大明承印

迫切鳴冤乃買棺而殮僱工而擡擇地而葬隱忍寂不一言不駸明於縣捕乎等語於是欽差刑部尙書甄淑會同撫按司道府縣秉公會鞠疏參靖江王之子亨嘉及典儀潘學文儀賓之子何東鳳而斷田歸于王承聘等並申明知縣甘文奎之不收獐糧因原無獐戶納糧之例侯八病死現有醫生收殮擡葬之人可証皆因該縣秉公持正藩王必欲致之死地故有此誣奏而起釁之由實緣撫夷同知王重綱賄翻定案等語奉旨斷田歸王承聘等王重綱同知拿問獐人韋公信等十六名各發邊衛永遠充軍典儀潘學文藩甥何東鳳等分別治罪靖藩亨嘉長子降旨貶斥此昭平獐人爭田之大案也不可不知

參明史稿及昭甦錄

康熙三十三年蠲免民糧有獐人許靈官等遂稱糧旣恩免租亦

應免抗不輸租昭平里三八十排民蕭洪元何漢昆等隨赴督撫呈告蒙斷獐佃民田每工追租一百觔與民戶收領結案

康熙四十四年又因蠲免獐人韋應元閉扶福等復在各憲呈告遁稱既已免糧民戶不應收足租一百觔止願三七稱輸時何漢昆等亦將一田兩主情由呈訴平樂府戴錦審明斷定獐不得隱民之租其獐人抗欠者仰昭平縣楊一漳追給

康熙五十年奉部行文各獐人有糧立戶讀書應試使知王化免爲不軌獐民遂乘機盡將三八十排民糧割立獐戶以爲既以辦糧不應復納租於民戶又復抗租何漢昆蕭韶等赴撫院陳元龍呈告批仰昭平縣共追九載之租給回民戶仍照舊額每工每年輸糧租壹百觔永遠定案至今相沿無異

昭平縣志

卷七

夷民部 獐獐

式陸

廣州市西關洪壽直街大明承印

乾隆二十年間緣廖當毅等祖遺糧田一千六百餘畝坐落山口地方歷係獐人莫勝隆等祖父佃耕完租康熙四十三年因欠租訐訟經前縣楊審明將各佃額租數目開載印簿給發歷年收租無異因乾隆十六年廖當毅另案控告佃人楊志義拖欠老蘆冲田畝租穀經縣審明折納租銀一十二兩乃莫勝隆等心懷覬覦亦欲將山口等處租穀折銀交納適有平樂縣人楊奇柏探知情由遂起意誑騙卽邀富川縣人莫玉相至莫勝隆等村內商謀按田斂銀構訟莫勝隆卽向各佃科派銀兩給楊奇柏莫玉相遂商之開命館之江西人秦世權應承包攬翻案卽教令奇柏等捏稱山口田畝係前明給與獐人平寇兵田附交廖姓代納屯納假抄印照捏稱嘉靖年間所給殊不知昭平縣設於萬曆四年若嘉靖

間固無是邑也又萬曆年間昭平山寇平勒碑頌吳大中丞武功詞內有繫惟西土鴟張狼扈帝命撫戎以綏四顧因帝字擡頭則狼扈字下有空隙秦世權欺彼愚獠不識解義妄以狗尾續貂卽於狼扈下添鑿莫楊羅秋糧米共八石九字蠱惑六寨各佃絡繹奔走幸各憲洞燭其奸按律治罪斷田歸廖仍追每年拖欠租穀並定年租七萬八千觔結案此時尚在奉文追租獠人爭田之案累累如此

按昭平獠獠雜處獠人夙號刁頑自爭田兩大案判結後服教日深舊俗日革民樂耕耘士勤誦讀學校中已不乏人百餘年來民獠久已相安無事獠與獠性畧同而俗各異獠刁而獠蠻其衣服裝飾婚喪禮教民獠無或稍異而獠尙未盡變舊俗第昭平縣志

卷七 夷民部 獠獠

式柒 廣州市西關洪壽直街大明承印

能食力服勤守法安分邇來亦漸知就學讀書薰陶漸染將不難變野陋爲文明以是知進化有由道一風同固轉移間事矣